



IOannes in oppido Rochezana obscuris parentibus apud Bohemos natus est. Is cum optimo ingenio esset præditus, literarum causa sese Pragã cõtulit, ac ostiatim more scholasticorum canendo uictum quæsiuit. Cum hoc modo Grammaticam & Dialecticã didicisset, nobilis cuiusdam pueri pædagogus factus, ac dein in pauperũ collegiũ receptus fuit. In eo loco bonorũ authorum & sacrarum literarum assidua lectione in uirum doctissimum euasit. Postea uerò Pragẽsibus Euangeliũ prædicauit, & cum Ioannes Zisca Pragam obsideret, ciuiũ consensu exiuit, & Ziscã ciuitati reconciliauit. Cũ hoc modo in magna autoritate esset, postea quoq; cũ

Procopio & Boemorum trecentis equitibus Basileam Legatus in Cõcilium missus fuit. Verũm re infecta cum alijs domum redijt. Deinde cũ Procopius intestino bello succubuisset, atq; Sigismundus Boemiæ rex declaratus esset, is Pragam anno 1456 ueniens, summopere Rochezanam Romanæ Ecclesiæ reconciliare satagebat, atq; ei etiam præsulatum Pragensis Ecclesię promittebat. Verũm Ioannes contra inueteratos potissimũ errores more solito pro suggestu intonabat, ac inter alia occurrente inter prædicandum sermone de monachis: Venerunt, inquit, noui dietim ad nos dæmones, quos monachos uocant. His studiũ est eijcere nos de ueritate, at si uiri fuerimus, prius quiduis tẽrandũ cẽseo. Id cũ Sigismũdus Cæsar pcepisset, Rochezane iratus fuit. Itaq; Ioãnes ab amicis cõmonitus clã ex urbẽ discessit, atq; apud Græciũ exulauit.